

卷之三

靜夜思

老我艱難百病身如何千里是風塵  
夢中一瞬歸滄海愁裏三更卧漢濱  
地近荊州方落拓人如玉粲苦遠巡  
行觴撥悶渾無那腸斷燈前郢水春  
長林豐草本狂生一入簪籠暗自驚  
客裏年華催老大愁中兒女繫離情  
良宵獨對江干月魂夢常懸海上城  
秉燭無聊鄉緒亂燈花剪落又還成

江介

雲黯蘭臺意悵然漢臯亭下水如烟  
南來江介梅花月北望滄溟雨雪天  
竹葉懶傾稷稻酒畫橈苦憶木蘭船

客愁已厭殘更苦銀箭聲高攪夜眠

積陰

連朝暝色陰長林郢樹蕭條落葉深楚地三冬孤客冷  
江天十日九宵陰冷冷雪意侵幽幌悄悄梅花淡遠心  
却望浮雲千里外那堪迴首故山吟

羈人

羈人無事可開顏每逐浮雲盡日閒綠酒強將澆塊壘  
青山何計到鄉關未能跨鶴凌滄海誰肯開籠放白鷗  
欲作郢中風土記幾回削草已全刪

元佑宮詩

正德時郢中有純一道人居乎妙觀有道行與  
興獻王善道人沒獻王忽見道人人宮索之不  
見宮中報世子生矣迨世宗登極大建元佑宮  
于郢中後來四十年中崇尙予修亦其夙尙耳

軒皇曾此駐華胥紺宇煌煌漢水隅大內靈壇修五夜  
羽人斗服備三孤絳霄帝座通呼吸廣樂鈞天夢有無  
四十五年心力竭乘雲知否到予都  
三生石上毓靈奇純一仙翁殘帝基玉殿金鋪千氣象  
雨花寶籙散歲蕤千尋貝闕隣江漢百里神宮亘地維  
當日調元諸相國瑤壇日日進青詞

送鶴亭反里

征車北發已駸駸，  
羨爾揚鞭反舊林。  
曉夢關河明月夜，  
離亭樽酒故人心。  
楚天橘柚風塵遠，  
隴首梅花雨雪深。  
若見故鄉諸父老，  
爲言憔悴漢江潯。

歲暮感懷

欲向蘭臺散客襟，  
旅中愁病苦侵尋。  
山川異地淹行李，  
風雪他鄉擁素琴。  
遠眺尙迷荆楚望，  
歸塗未泝漢江陰。  
續騷爲念嚴夫子，  
時命堪哀感寸心。

遠遊

遠遊吟罷對江湖，  
自古風流羨左徒。  
老病窮愁棲異地，

東西南北愧潛夫。  
一時懷抱悲荆楚，  
千里山川弔郢都。  
欲擬靈均追大雅，  
輸他揚馬已前驅。

楚俗民間率皆一兩家自爲村落故多盜警

閭左人烟不可論，  
千家誰見接籬藩。  
太平生聚猶三戶，  
冷落桑麻自一村。  
桂葦時聞風鶴警，  
椎埋不照覆盆冤。  
桓東年少知多少，  
何限銀鐙入郢門。

郢中立春

四首。臘月二十七日

三陽逼歲起繁憂，  
客向江干滯郢州。  
春到青歸新柳眼，  
愁來白盡老夫頭。  
楚山疊疊郢隅出，  
漢水茫茫天際流。  
無賴東風動離恨，  
二千里外阻歸舟。

東郊淑氣轉青蘋  
昨日條風應律新  
白雪樓前飄白雪  
陽春臺畔動陽春  
誰知歲晚愁中客  
仍作關山夢裏人  
辛苦他鄉成獨對  
故園兒女隔紅塵  
浹旬烈烈北風號  
氣轉東皇象緯勞  
南雪易消冬序改  
江雲欲散楚天高  
春來路遠迷秦岱  
夢裏人歸去漢臯  
自笑飄零張仲蔚  
故園三徑長蓬蒿  
來時迢遞過重關  
千里安能計日還  
天外浮雲遮海國  
夢中明月照家山  
銀旛莫釋愁顏苦  
彩勝徒增旅鬢斑  
無奈春光行且至  
至東風又度漢江灣

郢中歲除

六首

一辭故國向荊州  
改歲行看動遠愁  
回首庚寅吾已降  
驚心甲子序將週  
百年日月風中絮  
六十光陰水上漚  
豈徒傷離悲老大  
經時雨露隔松楸

到來澤國水烟深  
不覺年光忽已臨  
楚地風和天亦雪  
江臯歲暮日常陰  
人從作客恒多病  
夢裏還家最繫心  
無可奈何良已矣  
郢中聊復寄微吟

楚國繁華亦足豪  
萬家歌舞撥檀槽  
年光冉冉驚殘臘  
蓬鬢星星嘆二毛  
秋色離家滄海畔  
春陽改序漢江臯  
石城城下吹長笛  
能使羈人夢亦勞  
雲夢天低霧四垂  
韶光應候發南枝  
故園兒女鄉心亂

異地風煙客子悲萬事無成惟嘆老一年祇覺歲頻移  
沙堤門外千楊柳安得遙攀百丈絲  
江國行看碧草芳楚山排闥送春陽風塵遠隔天涯夢  
冰雪惟增旅鬢霜客久情懷如中酒歲殘寥落况他鄉  
神傷北望空翹首不對辛盤亦斷腸  
也知冷落舊柴扉一到天涯願竟違五十九年彈指過  
二千里外美人歸楚江凍合流漸下郢路風來積雪飛  
草草年華何必問征途早欲換春衣

寄遠

深宵蜻蛚助淒其夢裏秦川五色絲江國風寒人病久

楚天雪滿鶴歸遲陸離瓊佩壽愁遠銷歇蘭芳瑟調悲  
漫卜金錢盼行役劇憐搖落在天涯

辛巳郢州元旦詩

六首。辛巳詩。

春入江城曙色天輝輝銀漢掛簷前一身浪迹三千里  
半世浮沉六十年手劈黃柑容我醉吟成白雪幾人傳  
安能馬首凌風去北望岙巖巖泰岱巔  
萍踪遙寄楚雲東杳杳離愁類斷蓬花甲一終真小劫  
年光五夜啟鴻濛曉看碧落殘星外春到梅花積雪中  
何日故園歸隱去數聲長嘯駕天風  
半載來看漢水流新年春事石城頭歲時荆楚占風土

雲物江干發旅愁萬里黃塵迷北望一星白髮寄南州  
安能策蹇東風裏故國逍遙訪舊遊

江城人語自喧闐竹屋幽窗靜不眠郢路迢迢迷故國  
旅人憔悴入新年椒盤會罷孤燈夜柏葉樽開萬里天  
苦憶茅堂兒女輩何時忙舞老夫前

窗掩蕭齋夜氣昏百憂惆悵悄無言桃符祇益離人恨

爆竹偏驚送旅魂夢裏齊謳成郢曲愁中海日照荆門

不堪遠憶關山路空對燈前富水春

富水春郢中酒名

海雲渺渺阻風烟豐樂樓前路幾千歲底青楊開令序  
鏡中華髮近衰年愁深竹葉樽前地在梅花雪裏天

安得便歸歸故里春來饅餉上平田

郢中有豐樂驛

賦得人日題詩寄草堂

高常侍句

人日題詩寄草堂劇憐飄泊滯他鄉故園松徑何時見  
此地梅花亦斷腸跡似山羊嘆歧路身非司馬漫浮湘  
山靈笑我歸來晚寧免移文下海方

人日題詩寄草堂豈知書劍阻炎荒雲迷栗里天涯遠  
路隔桃源夢裏長南浦漁樵勞問訊北山猿鶴久淒涼  
自慚寥落東臯子楚澤蕭蕭采蕙纒

人日後二日偶題

客心搖落漢臯亭矯首他鄉且復停楚岫帶雲春寂寂

江天欲雪曉冥冥已看白鴈來湘浦不少黃柑下洞庭  
屈指上元佳節近銀花火樹正青熒

旅夜步月

銀河爛爛俯前楹萬里長空夜氣清江月近人纔數尺  
郢城聽漏已三更漢陰雪听冰初解荆國春田草未生  
獨有羈愁幽緒亂寒宵伫立不勝情

觀劇

二首

郢上從來絕妙辭金樽夜夜解醪綺筵舞馬行三爵  
上客呼盧博六棋楚麝芬芳勝海錯江魚白膩似蠻姬  
嬌歌艷舞留儂醉醉看江天有所思

白石阿郎在上頭曼聲逸韻唱梁州鶻絃羌管隨瑤瑟  
玉柱清商出畫樓舊曲自能歌子夜新詩無路問西洲  
儂今日日愁中度不信江邊有莫愁

錦堂

錦堂春酒醉瓊瑜何事縈思濟水隔歸去南恣神女賦  
劫來真羨步兵厨瑤琴曲裏湘江遠玉笛聲中海月孤  
安得青鸞千萬里一泓廻指洞庭湖

四明徐子猶

成龍

來楚中失意將北遊都門作此

送之

四首

嗟君失意向京華握手將離落日斜共道徐公真最美

也如張儉未還家囊琴江月人千里短劍長風水一涯  
却指日邊愁遠道劇憐白髮促行車

憐爾凌雲卒未逢飄零入洛竟誰從登樓一賦同王粲  
避地終年類蔡邕彈鋏蕭條淹歲月緋袍冷落歷窮冬  
遙知萬里衝風雪去度天邊若箇峰

落拓窮途嘆蒯緱依劉又復去荊州秦川公子方憔悴  
南國詞人亦倦遊江海誰貽青玉案風塵獨擁墨貂裘  
五陵自是豪華地北望浮雲起暮愁

有誰竟識陸平原萬里仍非反故園知己未能逢狗監  
仙舟何處托龍門才從違俗常多忤事到因人欲斷魂

交淺情深終一別憐君歧路旅愁繁

郢署元夕詩

上元佳節寄南州雲散空天宿雨收千里壽人家在眼  
一年春色月當頭縱饒燈火催高晏只是鄉心動遠愁  
此夜玉繩低不轉銀花歷亂照江樓

羽衣初試舞行斜鼓角聲中接萬家爆竹雷鳴飛紫電  
星球雲散走金蛇巴童盡解天魔隊郢客爭看火樹花  
此日太平無一事蘭堂春色拂紅霞

金吾弛禁厭珠欄隊隊酣歌去復還鶴署魚龍陳百戲  
鰲頭燈火駕三山偃師啼笑逢場樂鮑老翩躚舞態閑

幸有主人能醉客旅愁且爲一開顏  
微雨初晴向漢津文梁逸韻遶華茵畫堂銀燭開芳宴  
翠羽金枝照眩人天上石麟來玉闕雲中寶馬走香塵  
拂翔莫惜孟槃舞誰奏當筵白紵巾

郢中初度詩

六首

離騷經云攝提貞于孟陬兮惟庚寅吾以降是  
屈子生于寅月庚寅也余亦生于寅月庚寅薄  
遊楚中偶值初度憶靈均覽揆樓江臯故地而  
余命宮磨蝎行年六十亦將老矣因賦六章以  
銷旅况

青陽憔悴入新年南國春晴泛野烟  
皇覽初過元夕後  
良辰猶在百花前香蘅隱隱生蘭沼  
迴雁蕭蕭下楚天  
惆悵王孫歸去晚眼看芳草欲芊緜

去歲高眠碧海天今年作客漢江堧  
引觴欲薦三閭廟  
爛醉行吟七澤邊扶老正須鳩玉杖  
征途將問木蘭船  
故鄉望斷不歸去愁對湘雲意黯然  
不逐歸雲向北飛松風烟鎖舊柴扉  
故鄉道途逢初度  
楚俗風和換紵衣遙寄二千餘里外  
寧知五十九年非  
海鷗今識樊籠苦長憶青溪錦石磯  
醉盤轉瞬閱滄桑六十年來兩鬢霜  
異地雞樓方善病

故園兒女憶稱觴  
江天夜度瀟湘雁  
郢國春生薜荔牆  
一醉且拚清夢穩  
主人不惜鬱金香  
笑我岩棲處  
土星到來屬厭五  
侯鯖流連漢渚無  
歸日  
沉醉江潭忘獨醒  
客久妻孥愁遠道  
年衰兄弟嘆彫零  
何堪此際離憂迫  
強欲淹留且復停  
已是無因到故林  
佳辰良友且相尋  
蘭陵美酒傾千斛  
白雪高歌聞一吟  
入坐寒梅侵夢冷  
登樓春樹隔江深  
漢臯亭下無人問  
落日浮雲生遠心

咏毛遂

邯鄲何必借春申  
歃血南來亦苦辛  
世上悠悠皆若輩

堂前碌碌祇因人  
槃盂枉作平原客  
珠履貽羞楚國賓  
若使囊中無脫穎  
當時誰拒虎狼秦  
賣漿屠狗盡呈身  
慷慨誰能迥出塵  
牛耳未能跨大楚  
神錐那復禦強鄰  
平時高譙三千士  
妙選難憑十九人  
恨煞庸夫皆肉食  
章華臺畔苦逡巡

焦鶴亭出遊塞上詩

鶴亭述其昔年出居庸歷上谷雲中至張家口  
外蓋訪其宗人焦輔臣叅戎也予壯之爲賦此  
詩輔臣豪雋士昔見知于少司馬石虹先生先  
生乃鶴亭伯父也

非門銷鑰久登壇康樂當年侍謝安  
公子翩翩青玉轡  
元戎烈烈紫雲鞍  
千山白草連天遠  
五月黃雲出塞寒  
此日長城防萬里  
與君談笑說烏桓  
居庸天險接燕然  
一劍登臨落日邊  
縱未銘功雞鹿塞  
何妨飲馬鷓鴣泉  
萬年甌脫關西路  
千里金城薊北天  
回首盧龍形勝處  
蘆茄玉笛淨烽烟  
樓煩舊地接無終  
遙指天山氣若虹  
玉轡鳴鞭過上谷  
錦裘走馬入雲中  
黃羊五夜供晨爨  
碧酪千鍾醉朔風  
慷慨一爲歌出塞  
青虬紫燕羨英雄

郢中春夜大雪 四首

畫堂春雪積階前  
綠酒紅爐夜不眠  
象蔽彈碁行六博  
銀箏移柱聽繁絃  
離騷有恨哀湘浦  
吳榜常思渡漢川  
尙欲乞靈追屈宋  
驚才獵艷萬人傳

江城早起換新愁  
湖海悠悠悔浪遊  
夜雪連天無過雁  
晚風入戶勸披裘  
看雲對客仍調鶴  
撥悶題詩更上樓  
春色中人如中酒  
何時歸泛木蘭舟  
江天宿務久氤氳  
寒鳥驚樓靜夜聞  
綠草含嬌愁積雪  
蒼松排幹欲凌雲  
狂歌郢曲人爭和  
宴坐爐香手自焚  
兒女情常非俊物  
棄繻不敢笑終軍  
征途欲去尙迷津  
隔歲風塵亦苦辛  
江面寒魚驚避雪

沙頭宿鴈悔乘春人如叔夜方稱懶氣似元龍未是貧  
惆悵臨淵空有羨漢臯我欲靜垂綸

春雪夜晴

東風習習片雲輕坐見飛烟散郢城楚地春來多曖晦  
江天雪後喜新晴疏星影裏天街靜微露光中夜氣清  
銀箭漏殘渾不覺銅槃紅燭照人明

中和節

回首青山計已非瑤琴寂寂冷金徽一身兀自棲南郡  
五夜空勞夢北歸坐見梅花如雪落愁看江鳥帶雲飛  
不堪又度中和節春色平分換客衣

中和節後二日移居聽江樓

旅榻初移宿雨收憑高凝望迥生愁參差郢樹千重合  
浩渺江烟十里浮謝眺題詩勞北顧元龍乘興寄南州  
他時憶遠傷心處應念城隅百尺樓

梅花落處破新橙徐稚深居遠世情北枕石城依雉堞  
南臨漢渚聽江聲蘭臺暮雨烟雲繞楚甸春風夜色清  
况近高齋琴鶴侶更無塵迹到簾旌  
登高不使旅魂驚竹几繩牀相與清入耳江濤宜靜夜  
當樓山色愛新晴綺疏月自窗中見畫棟雲從檻外生  
尤喜楚中芳草地一庭花發盡香蘅

聽江樓賞梅

同憶南來路幾千春風楊柳漸含烟愁腸九曲如江漢  
魂夢三更入海天賴有梅花頻命酒未隨蘭渚泛歸船  
郢城亦是繁華地羌笛聲中聽管絃

盆梅

枝幹古甚  
作偃松狀

素質何年好護持橫斜疏影散歲華清芬淡淡羅浮夢  
偃蓋亭亭玉樹姿霜幹欲凌三尺雪冰心何減萬年枝  
自慚不是林和靖錯認孤山夜月時

水仙

七寶裝成世所稀蕊珠宮裏鬪芳菲瓊臺夜月留天女

洛浦迴風美宓妃搖落江潭雙玉佩真疑雲際六銖衣  
漢臯亭下春將暮曾見驚鴻照影歸

感賦

非向湘潭賦卜居野人那不憶吾廬鄉書夜夜思黃耳  
旅館朝朝食白魚久客漢江逢社日故山薇蕨發春餘  
桑麻栗里應無恙祇是難忘下澤車

楚中雜詩

五首

愧我滄洲石戶農遙從鄢郢寄萍踪漢江雨洗黃茆瘴  
楚岫雲迷紫蓋峰客久林巒啼謝豹人來湖海卧元龍  
豪遊南國探奇地絕少詩衡秘蔡邕

無端遠道久踟躕不是忘歸戀酒壚精衛飛來終向海  
湘江水涸不成湖燈前鏡聽煩兒女漢渚羈留愧老夫  
郢樹荆門多少恨不堪夜夜聽啼鳥  
家在茱萸第幾灣松筠蕭瑟掩柴關一時海客傷留滯  
千里江程未讓還路隔郢門金港水天清楚塞玉泉山  
便應命駕桃源去人世紅塵不可攀

漢上江花已露春客來驚坐少陳遵瀟湘水遠方迴雁  
山國吟成若有人作客欲求千日酒思家安得七香輪  
腰纏何必論多少鶴背惟期到海濱

風塵歲月苦蹉跎客子空驚兩鬢皤地近鬼方工祝覘  
人隨巴濮聽渝歌漢津比戶繁漁稻水耨千家謝綺羅  
此去長沙千里外如何卑濕編江沱

月夜

徘徊清夜苦吟身回憶鄉關倍愴神雲覆寒堦方睡鶴  
月憐孤館未眠人江聲入戶頻驚夢郢樹臨風漸放春  
何日東山歸舊隱可憐澤國尚迷津

郢中春興

四首

漢臯春日發青蘋落落雄風動水濱地接洞庭湖上月  
人歸滄海夢中身弄珠堤畔懷仙佩簪井庭前弔楚臣  
猶喜江邊千畝竹湘娥淚盡染湘筠

微寒不耐曉風吹身似蓬科任轉移異地人情看自別  
他鄉飲食漸相宜由來蘭澤多芳草自昔風流寄采芝  
莫笑巴人兼下里如今徧是郢中兒  
散寄餘霞照眼紅謝家賦物最能工飄零改歲樓湖北  
老病逢春憶海東芳草芊緜梅尉宅愁雲來去楚王宮  
君山只在長沙外遙指湘雲積水中  
誰從沅浦問湘靈聊寄清吟白雪亭漢水鴨頭千頃綠  
楚山螺髻四圍青雲中賓雁來衡麗天外鯨濤接洞庭  
自到南州鄉信斷不堪回首望滄溟

登郢城

紅塵道路浩茫茫客子憑高憶故鄉雲裏春風迴楚澤  
湖天落日照熊湘濯纓愧我從漁父對酒從人喚渴羗  
獨有旅魂招不得夢中夜夜到扶桑

郢中五色石

射堂石子玉無瑕似共鉛松出海涯怪石供中依定水  
齊安江上露晴沙晶晶麗色流文藻爛爛雲光紅彩霞  
滿目珠璣看不盡直疑瓊島列仙家

用楚詞起句

悲莫悲兮生別離關心兒女隔年期故園松菊多寥落  
異地風烟尙逶迤花竹經綸原不惡江湖波浪總淒其

那堪惆悵南雲外欲理歸裝恨已遲

有寄

鄉關千里鎮依依腸斷流黃織錦機  
郢國三更驚夜漏漢江二月試春衣  
思家不爲空懷土望遠安能卽當歸  
無限離愁誰與寄滿空寒雁不停飛

郢門春思

八首

齊客淹留且未還郢中形勝一開顏  
天迴襟帶雄江表地控蠻荆接楚關  
湏口千年黃石洞漢津百里翠屏山  
怪來不得乘風去五客堂中有白鵬  
地近巫山曉夢通淡雲疏雨濕蘭叢  
九迴腸斷思河北

千折江流傍漢東神女賦成香旖旎  
瑤箏柱列玉玲瓏細腰長鬢傳終古  
誰見章華有故宮

探奇昨歲下滄溟千里遙來驗水澤  
經眸采芝尋玉佩雲中鼓瑟問湘靈  
長江動地浮烟靄遺樹連天入杳冥  
今日漸於南嶽近依稀望斷九疑青

漢江千里下襄樊寄跡名都采杜蓀  
入郢尙傳三韭怨沉湘遺恨兩東門  
雨雲莫賦荆王夢蘭菊難招屈子魂  
今日山川重蕭瑟惟餘芳草憶王孫

旅館蕭蕭鬢漸皤炎方二月正陽和  
楚風自昔流文采郢曲從來慣和歌  
盧橘當筵消病渴籜龍佐酒醉顏酡

南州應是煩華地此日風塵可奈何吳與楚戰于柏舉楚師三北吳遂入

鄧。屈子哀鄧賦云孰兩東門之可娛今鄧城仍有大東門小東門

竭來何事戀江城臨水登山一愴情愁病蕭條人易老  
倦遊坎壈志難平天涯曉夢迷鄉國羈旅雄談仗友生  
賴有漢濱芳草路年年依舊長香蘅

旅客淒淒寄漢津眼看淑氣轉青蘋東風入夜來驚夢  
春雨微寒欲中人水國天陰稀見日江鄉地濕淨無塵  
聊將一醉消離恨不厭淚杯酒入唇

久別西溪薜荔裳却來南國佩蘭芳絕憐入饌江魚美  
雅有和羹楚酪香華燭金堂行象蔽哀絲瑤瑟定空桑  
生涯爛醉真長策聊復沈酣卧竹房

南國

南國佳人清且妍莫愁不見意淒然波連湘水一千里  
雁落雲和五十絃春草淒淒迷鄧路雄風颯颯下江天  
袁宏欲作西征賦無奈離憂自去年

江城春望 五首

誰於天外問昭丘行李淹留滯鄧州瀛海人迷千里道  
石城花發隔年愁江從樹杪烟中見雲向山腰洞裏收  
啼鳥亦知春色好聲聲杜宇喚歸舟  
漢東形勝亦雄州白雪消沉百尺樓日落湖口當夏口

江從楚尾下吳頭遊人未結幽蘭佩芳草空生杜若州  
欲賦小山銷旅况不堪猿嘯使人愁

東風無處折蘭薰愁裏啼猿不可聞江落斷雲來楚峽  
湖天鼓瑟隱湘君波迴漢水思魚素日落巴陵過鴈羣  
慚愧仲宣蕭瑟甚難將書劍賦從軍

天陰曲渚走龍蛇湘泊森森萬柳斜汚水東流通七澤  
夷陵西去控三巴雲中丹竈梅仙宅漢上茅堂仲蔚家  
無奈旅愁難自遣春來沿岫弄江花

吾家遙在太行東萬里明霞一望中江上遠峰青不斷  
天涯芳草綠無窮鷓鴣聲裏悲春色鸚鵡飛來嘯晚風  
欲寫離情成別賦難將彩筆擬文通

蘭臺

風流文采憶雄才從岵峰頭一望開山接石城張楚國  
天留暇日上蘭臺陽春烟景連雲幻侵曉江風江地來  
自昔騷人遊樂處漫從七發擬鄒枚

楚中春興

四首

江國青山碧四圍春來羣卉競芳菲洞庭湖外波東注  
衡嶽峰頭雁北飛遷客悲歌鵬鳥賦楚人風俗薜蘿衣  
遙憐三徑荒蕪甚松菊陶家事盡非

水如羅綺草如烟鄧樹臨風最可憐仙侶弄珠傳漢曲

洞庭廣樂憶鈞天紅桃花發江梅後白雁春歸海客前  
遙想美人遲暮日誰攀逸駕步芝田  
暮暮朝朝入夢思誰知宋玉托微詞天連漢沔通三楚  
路入瀟湘近九疑白雪歌成難屬和蘭臺風起辨雄雌  
讒夫自古如鳩鳥唐勒青蠅又一時  
江楓烏柏蔽征艫搖落懷人對井梧巫峽片雲迷楚岫  
湘潭細雨長蘼蕪鷓鴣叫月黃陵廟斂鱣乘春青草湖  
自笑海邊鷗鳥伴尙能冉冉府中趨

春憶

五首

遠遊不覺滯江湄漫向紅塵感路歧坐對楚山雲入畫  
漸看春日柳如絲愁來亦復尋殘夢客裏無聊改舊詩  
最是旅人寥落處山中薇蕨定應肥  
無端鄉思繫天東萬里黃塵路未通楚國鴟絃繁夜夢  
江干蘭橈待春風烟沙莫釋湘纍怨蔓草湮沉帝子宮  
落盡杏花朝雨後驚心香霧遠濛濛

自從命駕出雲巒隔歲豪遊興已闌麗日輝輝繁碧草  
光風習習泛紅蘭一年楚俗逢春色十里江雲送曉寒  
回憶故園農事動關心八口腐儒餐  
非向桃園覓落花幽人端合老桑麻木奴未種千頭橘  
野墅誰澆五色瓜荆楚縱然稱樂國江湖不忍當浮家

春來更使思歸急苦憶城南萬柳斜  
漢水津頭去路遙故鄉彌望黯魂消  
鼉鼉向夕橫生浪艤艤乘春欲趁潮  
澤國風寒烟漠漠楚天雲暗雨瀟瀟  
獨憐憔悴江潭者不得行歸怨寂寥

郢中漫興

六首

千年郢樹長烟梢老屋鱗鱗但覆茆  
地折江流存禹跡天廻雁字寫羲爻  
嬾雲出岫仍歸洞倦鳥投林似鬱巢  
物理靜觀皆若此旅人何事滯江郊  
歲華冉冉憶征途久別高陽舊酒徒  
湖近郎官思李白人逢歧路泣楊朱  
烟迷漢渚空洲遠花落江城片月孤

屈指春光能幾度野夫常是念枌榆

郎官湖在沔陽去郢中二百餘里

晴春萬里一登臺誰念沅湘作賦才  
出塞濱鴻猶北度

營巢海燕自東來郢中最厭巴人唱  
江上誰憐庾信哀

花落花開俱是恨故園尺素幾時廻

瓊樹安能解渴飢今年不采北山薇  
露桃片片當階落

春燕盈盈貼水飛撥悶自傾郢水酒  
餘寒猶着故園衣

也知夢裏歸無益猶勝朝來竟不歸

登山臨水送將歸說到將歸願又違  
異地風烟心不耐

故園卜築計全非愁看江漢東流去  
難逐征鴻非道飛

鶴怨猿驚今日事山中久廢芟荷衣

叙日樓臺起暮烟客心瀼瀼轉淒然九迴腸斷非今日  
千里人來已隔年絕少魚書傳粟里更無瓊佩請芝田  
何時行色匆匆去一棹輕風沂漢川

登郢城四首

郢中暇日一徘徊闕武門邊踏碧苔郡郭萬家依嶺畔  
江花一帶抱城隈樓臺高下因巖勢雉堞參差半草萊  
北望平原正無際依稀驛路此中來

高低十里見雄城設險因山舊帝京楚地風和春草綠  
郢郊天濶野烟橫岩巖巖巖巖岫雲中出襟帶江流樹裏明  
遙對荆門稱重鎮上游久練水犀兵

共上高城一望開江風拂地一雄哉蘭臺左顧雙龍遶  
襄漢南流千里來頌橘吟成湘客怨離騷賦就楚臣哀  
獨憐春雨關山道北望家鄉首重回

千尺譙樓帶夕嵐東風雨日柳毵毵家山迢遞迷天北  
烟水空濛接漢南豈爲和歌來郢里深憐屈宋弔湘潭  
春光又老江城畔只是離愁百不堪

三閭廟

當日三閭怨正繁左徒失職寄湘沅封狐掉尾驚千里  
虎豹揚威隔九閭帝命巫陽招下土魂依宋玉入修門  
楚天蘭芷知多少采采江頭落日昏

寫憂

繁憂療悵正無方  
山澤傍徨耿未忘  
猿狖三聲鄉夢斷  
蝮蛇岐首旅人傷  
月明倍覺江鄉遠  
離恨空隨楚水長  
落拓邇來憔悴甚  
含愁兀自寄炎荒

咏懷古跡

八首

楚王游樂擁蠻姬  
梅尉飛仙出世姿  
御舸猶傳龍鳳港  
神丹已煉鶴龜池  
香風久逐江流去  
金鼎寧同歲月移  
徒使旅人增感慨  
春風又上萬年枝

武莊兩世懶閨帷  
王后皆傳間世姿  
胷有神謀推鄧曼  
人從諫獵想樊姬  
乾坤雋氣留巾幗  
荆楚英華聚黛眉  
闕比虞丘俱碌碌  
相形終是遜雄奇

誰訪靈妃向大川  
洪流曲曲自迴旋  
江花兩岸留漁父  
郢樹千林哭杜鵑  
鮫室走盤珠是淚  
荆山剖石玉含烟  
九歌終古傳哀怨  
魂夢難忘帶葯莖

賦就高唐此定殊  
陽春臺畔近夔巫  
多情漫笑登徒子  
孤憤誰憐屈大夫  
雲夢烟深生杳靄  
瀟湘天濶入虛無  
玉釵羅袖千秋艷  
贏得風流說郢都  
石城山起石城東  
龍勢盤旋入郢中  
一派羣峰看不斷  
雙鸞對峙若爲雄  
層臺雲鎖留江國  
舊邸烟消沒楚宮  
往蹟閉堯增太息  
夕陽千里起悲風

旅人搖落弔沅湘終古銷魂杜若香  
江漢蜿蜒三滋水峰巒迴合九龍岡  
松林已散真人氣陵墓翻為芻牧場  
閑數廢興傷往事寒鴉點點下斜陽

武帝巡遊萬里空神堯十五繼兄終  
枌榆故國留江漢

湯沐新恩逮沛豐石上三生元妙觀  
天邊五鳳啟祥宮

威加海內歸來日雲氣飛揚咏大風  
武帝指明武宗神堯指世宗世宗前

身為玄妙觀道人生于興邸之啟祥宮

飛龍殿在石城中碧瓦銷沉感舊宮  
從岵山頭鸞輅去

陽春臺下鳳樓空猶傳萬乘迴仙馭  
無復千官侍射熊

唯有蘭臺憑弔處楚天依舊見雄風

春雨

春雨瀟瀟入竹窗客來淹滯在南邦  
楚天一鶴翔千仞漢渚雙魚下九江  
投簡未逢蒼水使歸途難問木蘭艤  
風塵萬事空回首只是愁心未易降

題聽江樓

東風久已到江樓芳草王孫尙滯留  
旅館析驚千里夢郢城鐘送五更愁  
鴈書望斷天涯隔魚素難憑漢水流  
遙想故園今夜月燈前兒女說南州

排悶

羈樓隔歲未能還屈宋風流不可攀  
人比江雲心共遠

蘭生楚澤態常閑陽春旣已開烟景叔夜何妨倒玉山  
尤幸醉中千里月獨尋殘夢出江關

離居

離居苦憶四松齋老屋蕭蕭孝水崖楚客蘭蓀宜佩帶  
晉人土木作形骸深愁異地春如海稍喜江鄉酒似淮  
阜帽青鞵歸去好鹿門妻子隱能偕

郢城閑眺

五首

習習東風萬里迴登高長嘯一徘徊楚雲黯淡無朝暮  
江水橫衝自去來郢曲數人而已矣靈均千載尙悲哉  
誰憐玉粲飄零苦慷慨猶能賦七哀

共上高城自解顏憑虛百里眺雄關春雲漾水銀沙白  
曉雨清塵錦石斑郢樹臨江施畫障楚山如黛鎖烟鬟  
微吟雅有登臨興滯迹名都久未還

漢臯百折碧流斜安得乘波上小槎岍遠荆門迷楚甸  
人從郢路渡江杪林端山色通諸嶺郭外村烟接萬家  
千里欲歸歸不得始知天末隔雲霞

登高時向石城坳曲巷蒼蒼蒼碧蘚交雲鎖幽林盤鶴鶴  
風迴大壑舞潛蛟先賢歷歷傳荆楚勝地人人托郢郊  
每見歲時勤社鼓紛紜野老走靈旂

彭澤仙人未放衙閑隨鶴步女牆斜江從樹裏明如練

山接城中曲似蛇帶雨烟光連十里微寒樹色冷千家  
東風盡日催歸雁叫落青天起淺沙

悔遊

閉關老矣舊王符慚愧林臯山澤癯千里羈愁思渤澥  
五更春夢落江湖淡烟北渚生蘭杜芳草東風聽鷓鴣  
明月一輪天似水願隨鶴羽赴齊都

離騷曲

六首。以下共二十首皆貽楚人  
歌以祀屈宋用繼大招

莫問靈修上玉階當年姱節久沉埋續騷劉向聞三嘆  
入楚王褒賦九懷蘭芷芳洲依漢渚蘼蕪春路入江崖  
爭光日月千秋事悒悵椒丘水一涯

九畹華滋不易尋彭咸哀怨有遺音蛾眉自古工謠詠  
壯烈從來竟陸沉雅有清芬悲橘頌自將幽潔配蘭心  
東風颯颯神靈雨恨逐湘江百丈深

楚地山川氣鬱森投波片石感雄心天邊芳草連湘浦  
湖上愁雲接漢陰南國騷人增悵結東皇太乙奏哀音  
賈生元自能前席不道懷沙怨更深

到來大楚見遺民天問何妨辨假真不分郢人歌下里  
難從宋玉賦東隣靈衣自昔尊司命上帝從來忌逐臣  
瓊佩繽紛終古怨招魂舊恨莫重陳

千載巫陽鬱不伸九歌九辨苦沉淪到來風物悲荆楚

雅有雄詞寄漢濱不見靈均多少恨欲援宋王暫為鄰

青青芳草江皋暮蘭葉萌生未可紉

蘭菊年年重禮魂文狸赤豹降魚軒九章作賦才人怨

千古登壇楚客尊雲夢賜田餘蔓草汨羅寒浪泣湘源

長歌我亦思公子只是踟躕未敢言蘭菊禮魂見九歌末章。宋玉作小

言賦楚王賜以雲夢之田

離騷迎神曲

六首

涔陽江上問烟波滾滾香塵奈若何風馬雲車湘女下

瑤乘羌笛楚人歌渴龍但得餐靈瀝飲鳳何難覓玉禾

明月一天清露冷碧雞曉唱落銀河

虎豹狺狺帝闕燒飛烟蔽日隔靈旂鳳凰爭食同雞鶩

蘭茝無香覆草茅貝錦譁張移楚社靈均憔悴步江郊

若英結佩思延伫願得雲中薦蕙肴

蒼梧碧漢接長空江水沉沉上有楓屈左徒來風慘淡

湘夫人去月朦朧雲封苦竹斑斑淚花染啼鴉片片紅

矯首風塵天地老靈修婉婉倩誰通

汨羅終古恨難消江上悲風賦大招懸圃瓊麋仙液注

瑤池仙管鳳凰調神芝奕奕生三秀善睐亭亭美二姚

想像餘魂歸郢日秦篝鄭絡總逍遙

靈修來止氣氤氳車以清風馬以雲小雅聲多終有怨

大言賦就浩無垠一歌哀郢傳幽憤長劍摩天挂碧雲  
帝子終然來北渚春蘭秋菊獻清芬  
炎方水藻薦清蘋憔悴江干憶楚臣龜笑何須煩太卜  
醉醒不必問漁人湘娥翠袖方來下山鬼蘿衣願結隣  
靈保殷勤修歲祀芳洲淡淡水粼粼

離騷送神曲 六首

繁會遺音續九歌樂神郢上共婆娑湘靈隱隱彈瑤瑟  
山鬼嗚嗚帶女蘿楚國春和行雨早蘭臺地做受風多  
請君莫笑巴人曲下里詹詹可奈何  
虞淵日月走雙丸咤際江干覓蕙蘭容與同車鳴玉駟

陸離長鉞切雲冠振衣萬仞悲風急濯足三湘落照寒  
只有旅魂招不得汀洲要眇且盤桓

漫向江潭賦卜居天門有路眇愁予已招鸞鳳爲前導  
更飭豐蠶戒後車夢入闐風尋逸駕手攀若木釣神魚  
滄洲白石歸來晚又傍蘭皋佩玉琚  
澤畔行吟水一方誰將清濁問滄浪黃陵月黑江妃泣  
碧漢波深海若藏郢國大招哀楚些巫陽寫怨中清商  
惟餘千古湘潭側緩節安歌薦桂漿

若有人兮被石蘭芙蓉爲佩玉珊珊楚天有恨留殘雨  
江水無波起暮寒河伯共遊朱貝闕湘娥笑倚碧琅玕

天門咫尺排闥闔擬駕飛龍振羽翰  
桂精椒漿楚水濱筵筭吉日卜靈氛愁聽春雨啼黃鳥  
坐見青天過白雲玉劍琳琅歌太乙蘭旌容與禮湘君  
寒風入暮哀歌散噉噉猿鳴不可聞

離騷遠遊曲

連蜷仙佩芰荷裳鷓鴣先鳴百草芳自到西崑乘駮駟  
手援北斗酌瓊漿消盤動地魚龍變湯谷無波日月長  
搔首問天天不語何時縹馬向扶桑  
南冠岌岌帶江離披髮行吟又一時罷釣靈鼈過弱水  
慣騎天馬到咸池巫陽下召稱齊縷穆滿歸來葵盛姬  
笑折疏麻雲外立鸞車瓊佩自逶迤

郢城春望

四首

遙從九點辨齊州浪跡飄零郢上游雲散楚天青似黛  
風微江水綠如油南來大澤依龍窟北指鄉山接蜃樓  
安得翛然千里去乘飈直到海西頭

楠木山頭古戰場名都形勝鬱蒼茫羣峰黛色趨雲杜  
千里江聲下漢陽天外曉烟遮郢樹城隅曲水護銀塘  
遙憐純德山前路野鳥飛飛出苑牆

當日親藩入帝京百年宮闕失崢嶸蘭臺春滿王孫草  
雉堞烟寒太傅城畫鷁牙檣沿岸下青蘋白芷隔江生

漢陰亦有忘機者抱甕由來遠世情

相傳石城乃羊太傅所築

沙洋形勝楚江堤兩岨千行錦樹齊諸道星羅荆上下

羣峰笏列漢東西江風宕漾飛雲薄山靄空濛落日低

幾曲巴人聽不得胥臺荒草更淒迷

荆郢為上荆南道鄭襄為下荆南道

偶呈訥菴先生

陳蕃下榻在南荆徐稚遙來江上行湘竹籊龍青玉版

鸞刀縷鱠白魚羹金花灘隱孤舟遠蛇阜城連萬堞平

共醉君家冰署裏梅前海鶴向人鳴

城頭姑射是名都四世交遊道不孤莫負鳴鳩催布穀

喜從幽鳥勸提壺折腰不必矜三異束帶何妨長五湖

彭澤蕭蕭真傲吏故園松徑久荒蕪

出郢城

昨夜刀環夢裏紫雞樓冷署鬱中情曉風拂袂來江郭

久客驚心出郢城野塢花開增旅况胥湖水涸見春耕

遙思故國山堂畔何日高原陌上行

過青蓮菴

偶來香積滌塵氛靜裏青蓮不可聞花信將開三徑雪

竹光欲散一溪雲巢鳥影自烟中下清磬聲從殿外分

半日浮生那得住閑隨馬足踏晴曛

純德山謁顯陵

十六首。康熙辛巳二月二十二日。有遊記在別編

當日分桐本大藩松林山下葬高原河澗文雅天潢近

獻皇帝能賦詩且

驃騎園陵叔父尊

驃騎東平王官號漢章帝葬其叔父

與河間王同謚

東平備極典禮明武宗

列障四圍真帝宅三階九級照

之葬與獻也亦如之

龍門惟餘石鼎羅丘壠猶識壇前舊象罇

魚燈終古閉珠衣薦豆陳禋事已非金鉤驪山炎火

鼎移漢臘赤龍飛

明末壬午六月獻皇忌辰百官方祭忽大雷雨見一龍自員池中飛去

冬青一樹無須植蜀帝千年竟不歸祔葬玉魚來萬里

奈花聲裏想依微

百尺天階仰面看石欄歷歷碧琅玕歲時想像千官入

松柏依稀五粒寒玉闕焚餘惟赤壁牧童拾級上黃壇

顯陵甘露當年瑞萬木彫零盡已殘

嘉靖末年守陵大瑞奏甘露降于顯

陵松柏遂

告郊廟

欹斜斷碣字朦朧彷彿龍章炫彩虹金粟荒堆當落日

靈衣總帳捲悲風神歸隧道重城閉草覆齋房輦路空

獨有苑中千畝竹行人來駐玉虛宮

禁城內員池東近年置一玉皇宮內

多花竹想改齋房而為之者有全真在內代陵戶矣

華表千尋倚碧霄層層遙闕付漁樵禁垣高下依山勢

野水潺湲入洞橋此日松楸歸爨燎故宮禾黍長新苗

劇憐三尺金城柳拂水和烟伴寂寥

天子崗頭出遠林寢園柱礎擬球琳

陵前一切俱用白玉石琢磨最工

橋陵弓劍千年在壁水蛟龍百丈深享殿前絕大員池最為深廣內有自然泉時時

聞龍吟複道鳳樓春寂寂穹碑螭篆畫陰陰艱難七

葉神龍祀此地曾聞奏玉音天子岡在純德山西南

圍陵一帶接荒蕪劍佩神遊定有無壞道哀湍鳴淺瀨

頽牆敗瓦走鼃鼃空餘龜跗依翁仲誰向龍髯識鼎湖

當日松林搖落盡三泉何處問金鋪

白雲漾漾覆菁茅終古荒陵托郢郊今日野烟消紫炁

當年霹靂走黃巢清宵夜月龍吟苦芳草寒林鹿跡交

遙想江天人去後冷風蕭颯降靈旂聞賊欲掘顯陵忽雷雨大作擊死賊

數人乃止嗚呼異矣

東平文采冠崇班地下追尊慰御顏金虎不聞騰塚上

玉魚誰見出人間烟霞肆映江湖遠天棘常留日月閑

野火高原寥落甚至今遙接九龍山

鳳入燕山炫彩霞茂陵帝冑本天家銀池誰識金鳧雁

輦路空存玉辟邪芻牧不遺寒苑樹野棠猶發寢園花

中都天壽皆如此回首松陵莫漫嗟今上甲子南郊躬祭明太祖陵真異

數也。獻帝乃純皇帝次子

黃狐蒼兕走雲巒路馬猶從御道看享殿已隨荒草沒

祠官無復玉珂寒春雲留影遮天祿落日迴風掃石壇

不及孝陵鍾阜地與朝異數降鳴鑾

當年寶冊奏明堂三易龍綸大典光  
睿藻尙傳江漢賦

風流不數竟陵王

獻皇嘗作江漢賦甚工而南齊竟陵王蕭子良有文名亦封于郢之竟陵

銅駝寂寞埋幽壑玉柱崢嶸被薜裳  
賴有羅峰張相國猶從奕世煥雲章

當年聖母顯陵歸寢殿蕭條葬副禕  
蒿里金蠶迷野燒石泉玉椀護靈衣  
已無龍馭傳清蹕誰復熊羆守翠微  
落日荒郊人去盡閑雲冉冉不停飛

寒泉怪石枕山腰湖泊當門去路遙  
三戶遺門雙涕淚羣峰雷雨百靈朝  
鬼車杜宇啼幽樹白月青燐照峰脊  
原廟衣冠何處是不堪極目莽蕭蕭

南崗立馬最銷魂純德山頭望寢園  
環拱九霄連象緯蜿蜒兩翼似兒孫  
香爐歲月留岩壑陵戶年來散遠村  
惟有寒泉流不盡春來灑灑出頽垣  
長陵抔土尙崢嶸火入荒原震九京  
丘龍漸成狐兔穴滄桑應使鬼神驚  
百年舊跡遺黎見十里歸來御道平  
當日設防煩柱史賦庭舞蹈丐餘生

山崎言集

卷之五

三

書